

Broj: UPI/03-23-2-255/17
Sarajevo, 28.08.2017. godine

Federalno ministarstvo prostornog uređenja rješavajući po zahtjevu pravnog lica "MULTITEH-INŽENJERING" d.o.o. Zenica, za izdavanje rješenja o ispunjavanju uslova za obavljanje stručnih poslova iz oblasti zaštite od požara, a na osnovi člana 37. stav 2. Zakona o zaštiti od požara i vatrogastvu ("Službene novine Federacije BiH", broj 64/09), člana 13. Pravilnika o kriterijima za kadrovske, tehničke i druge uslove koje moraju ispunjavati pravna lica registrovana za obavljanje poslova iz oblasti zaštite od požara ("Službene novine Federacije BiH", broj 69/13) i člana 200. Zakona o upravnom postupku („Službene novine Federacije BiH“, br. 2/98 i 48/99), d o n o s i

R J E Š E N J E

1. UTVRĐUJE SE da pravno lice, "MULTITEH-INŽENJERING" d.o.o. Zenica, sa sjedištem u ulici Envera Čerkeza broj 2, Zenica, ispunjava uslove za obavljanje stručnih poslova iz oblasti zaštite od požara, i to:
 - 1) izrada procjene ugroženosti od požara;
 - 2) izrada plana zaštite od požara;
 - 3) izrada elaborata zaštite od požara;
 - 4) izrada elaborata zaštite od požara na gradilištu;
 - 5) izrada elaborata o zonama opasnosti ugroženih prostora eksplozivnim smjesama,
 - 6) izrada općih akata zaštite od požara;
 - 7) izdavanje stručne ocjene na projektnu dokumentaciju i
 - 8) izdavanje stručnog mišljenja sa aspekta primjenjenosti mjera zaštite od požara za građevine.
2. Imenuju se stručne osobe koje su odgovorne za obavljanje stručnih poslova iz oblasti zaštite od požara iz tačke 1. ovoga rješenja, i to:
 - Nermana Beganović, dipl.inž.građ.,
 - Lejla Konjhodžić - Opanović, dipl.inž.građ.,
 - Salih Husremović, mr.el. - dipl.inž.el.,
 - Husejin Karamuja, dipl.inž.maš.,
 - Refik Mujkanović, dipl.inž.maš.,
 - Mensura Vojniković, dipl.inž.hemije.
3. Obavljanje stručnih poslova iz oblasti zaštite od požara iz tačke 1. ovog rješenja daje se na period od 4 (četiri) godina.
4. Pravno lice iz tačke 1. ovoga rješenja dužno je u roku od 8 dana od dana nastale bilo kakve promjene zatražiti izmjenu rješenja ako su se naknadno promijenili podaci na osnovu kojih je izdato rješenje.
5. Pravno lice iz tačke 1. ovoga rješenja dužno je podnijeti zahtjev za izdavanje klauzule pravosnažnosti 30 dana nakon prijema rješenja.

O b r a z l o ž e n j e

Dana 01.08.2017. godine, pravno lice "MULTITEH-INŽENJERING" d.o.o. Zenica, podnijelo je ovom Federalnom ministarstvu zahtjev za izdavanje rješenja za obavljanje stručnih poslova zaštite od požara definisanih članom 6. stav 1. tač., 1., 2., 3., 4., 5., 6., 7. i 8., Pravilnika o kriterijima za kadrovske, tehničke i druge uslove koje moraju ispunjavati pravna lica registrovana za obavljanje poslova iz oblasti zaštite od požara („Službene novine Federacije BiH“, broj 69/13).

Članom 5. Pravilnika., propisano je da Stručne poslove iz oblasti zaštite od požara koji su utvrđeni članom 6. tač. 1. do 9. pravilnika, može obavljati i izdavati odgovarajuća dokumenta i isprave, pravno lice koje ispunjava sljedeće uslove:

1. da u stalnom radnom odnosu, ima najmanje po jednog zaposlenika, koji ima završen sedmi stepen stručne spreme, odnosno visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja sljedećih struka:
 - građevinarstva ili arhitekture,
 - elektrotehnike,
 - mašinstva,
 - hemije ili zaštite od požara ili tehnologije ili fizike ili rudarstva ili šumarstva ili sigurnosti.
2. da zaposlenici iz tačke 1. ovog člana, imaju najmanje tri godine radnog iskustva u struci i zaključene ugovore o radu sa punim radnim vremenom na neodređeno vrijeme, od kojih zaposlenici struka utvrđenih:
 - u tački 1. alineja 1., 2. i 3. ovog člana, moraju imati položen stručni ispit u struci iz oblasti građevinarstva, arhitekture, elektrotehnike i mašinstva, u skladu sa propisima koji uređuju polaganje tog ispita,
 - u tački 1. alineja 2. i 4. ovog člana, koji neposredno obavljaju stručne poslove iz člana 6. stav 1. tačka 5. ovog pravilnika, moraju imati položen stručni ispit iz oblasti protiveksplozijske zaštite, prema važećim propisima u Bosni i Hercegovini.
3. da posjeduje poslovni i laboratorijski prostor koji ispunjava odgovarajuće građevinske, tehničke i druge uvjete potrebne za obavljanje stručnih poslova u okviru registrovane djelatnosti.

Članom 6. Pravilnika., propisani su poslovi iz oblasti zaštite od požara, i to:


1. izrada procjene ugroženosti od požara,
2. izrada plana zaštite od požara,
3. izrada elaborata zaštite od požara,
4. izrada elaborata zaštite od požara na gradilištu,
5. izrada elaborata o zonama opasnosti ugroženih prostora eksplozivnim smjesama,
6. izrada općih akta zaštite od požara,
7. izdavanje stručne ocjene na projektnu dokumentaciju,
8. izdavanje stručnog mišljenja sa aspekta primjenjenosti mjera zaštite od požara za građevine,
9. laboratorijska ispitivanja u oblasti zaštite od požara (ispitivanja reakcije na požar, ispitivanje otpornosti na požar i druge vrste ispitivanja, prema metodama koje ispunjavaju zahtjeve utvrđene u odgovarajućim bosanskohercegovačkim, evropskim, međunarodnim i drugim standardima u ovoj oblasti).

Članom 12. stav 2. Pravilnika., propisano je da ministarstvo dostavlja spis predmeta pravnog lica Federalnoj upravi civilne zaštite, radi pribavljanja mišljenja.

U skladu sa odredbama člana 37. stav 2. Zakona o zaštiti od požara i vatrogastvu ("Službene novine Federacije BiH", broj 64/09) i člana 12. Pravilnika., ovo Federalno ministarstvo je pribavilo mišljenje Federalne uprave civilne zaštite broj: 05-02/9-464/17 od 11.08.2017. godine, u kojem se navodi da se podnosiocu zahtjeva može izdati rješenje o ispunjavanju uslova za obavljanje poslova iz oblasti zaštite od požara i to za poslove koji su utvrđeni tač. 1., 2., 3., 4., 5., 6., 7. i 8. člana 6. Pravilnika o kriterijima za kadrovske, tehničke i druge uslove koje moraju ispunjavati pravna lica registrovana za obavljanje poslova iz oblasti zaštite od požara ("Službene novine Federacije BiH", broj 69/13).

Slijedom naprijed navedenog, odlučeno je kao u dispozitivu rješenja.

Pouka o pravnom lijeku: Ovo rješenje je konačno i protiv njega se ne može izjaviti žalba, ali se može pokrenuti upravni spor kod Kantonalnog suda u Sarajevu, u roku od 30 dana od dana prijema istog.



Dostaviti:

1. Naslovu,
2. Federalna uprava civilne zaštite,
ulica Vitomira Lukića broj 10, Sarajevo - Ilidža,
3. Federalna uprava za inspekcijske poslove,
4. Evidenciji i
5. a/a.